

Filemón

¹ Høøch hädaa nocy njahby, høøch Pablohajpä. Tsumyčhänáabiøch cham je'eguiøxpä coočhä Jesucristo miädia'agy nyajwa'xä. Haa ja'a hermano Timoteo, tu'ugwiinmáhñdyhøch xmiøødhity coočh hädaa nocy njaay. ² Miičh Filemón, miičh hädaa nocy nyajnäguexaamby. Hoy hajxy nničhojc nnibia'häyóowäm coo hajxy nduuñmújcäm ja'a Jesucristocøxpä. Nyajpoo'xyp højts ja'a hermana Apiahajpä. Jaduhñ je'e njuø'øy nebiä hamdsoo puhdo'oxypän. Njaanä yajpoo'xyp højts ja'a hermano Arquipohajpä. Quipxy højts je'e xmiøødtuumbä maa højts ja'a Diosmädia'agy nyajwa'xiän. Nägøxiä højtsä jäya'ay nyajpoo'xy ja'a hajxy jim mejtspä maa miičhä mdøjcän, ja'a Diosmädia'agy hajxy mäbøjpä. ³ Ween mijtsä Dios ja'a hoyhajtä weenhajt hajxy xmio'oy møødä Jesucristo. Ja'a Dios hajxy nDeedyhájtäm. Ja'a Jesucristo hajxy nWiindsøñhájtäm.

⁴ Naaghóoc-høøchä Dios nba'ya'axy, ngapxpáatypøch miičhä mxøø, Filemón. Nnämáabiøchä Dios: "Dioscujú'uyäp", coo miičh hoy mjaançh tehm̄ tiuñ. ⁵ Tøøch nmädoyhaty coo miičhä Jesucristo miädia'agy hamuumdu'joot tøø mmäbøjcä. Jadúhñhøch tøø nmädoyhajpä coo miičhä jäya'ay mjaançh tehm̄ chocy mjaançh tehm̄ pia'häyoy, ja'a Diosmädia'agy hajxy mäbøjpä. ⁶ Coo miičhä Diosmädia'agy hamuumdu'joot tøø mmäbøcy, paady miičhä hojoot mjaançh tehm̄

miøødä, weenä jäya'ayhajxy jaduhñ jiaac tehm̄ wyiinjuø'øy nebiatiä Jesucristo ja'a mayhajt tiuñ ja'a højtscøxphájtäm. ⁷ Mägu'ughajjpä, jaançh tehm̄ jiootcújc-høch jaduhñ nnijiäwø'øyii coo miiçhä jäya'ay tøø mjootcapxmøcpøcy, ja'a Diosmädia'agy hajxy mäbøjpä. Paady miiçh jaduhñ tøø mjootcapxmøcpøcy coo miiçh mjaançh tehm̄ chocy mjaançh tehm̄ pia'häyoy.

8-10 Høøçh Pablo, tøøçh nmäjaanä. Chámhøch jaduhnjäjtä ndsumyçhäna'ay ja'a Jesucristo miädia'agyquiøxpä. Huuc møødhatä hojioot ja'a høøçhcøxpä. Miïçh nmänuu'xtaacyppy coo miiçhä mayhajt cu mduuñ ja'a Onésimocøxpä. Coo miiçhä hojioot mjaançh tehm̄ miøødä, páadyhøch miïçh jaduhñ nmänuu'xta'agy, hóyhøçhä Jesucristo cuhdujt tøø xjia mo'oy cooçh miïçh nhané'emät. Jadúhñhøch ja'a Onésimo njuø'øy nébiøch nhamdssoo huungpän, je'eguiøxpä cooçh je'e ja'a Diosmädia'agy jaduhñ tøø nyajmäbøcy yaa maaçh yaa ndsumyçhäna'ayän.

11 Cahnä ja'a Onésimo hänajty jim̄ piäyø'øgyñä maa miïçhän, cab miïçh mmädia'agy hänajty xquiudiunä. Cab hänajty tiuna'añ. Pero coo yaa tøø miech maaçh høøçhän, jaançh tehm̄ yhóyhøch yaa xmiøødtunaam bä. **12** Nguejxtägatsáam biøch jim̄ maa miïçhän, hóyhøch yaa nja tsocy hamuumdu'joot. **13** Jadúhñhøch nja mänaañ cooçh cu xmiøødmähmøøyy yaa maaçh yaa ndsumyçhäna'ayän. Cu xpiuhbéjtyhøch jaduhñ maa miïçhcøxpän. Ja'a Diosmädia'agyquiøxpøch cham̄ ndsumyçhäna'ay. **14** Páadyhøch ja'a

Onésimo jim̄ nguejxtägatsa'añ maa miičhän, cábøch nnajuø'øy pø mmäna'anaam̄b miičh jaduhñ coo yaa cu miähmøøyy. Pø mdunaam̄biä mayhajt jaduhñ, ween hamdsoojoot mdúnät; ca'a yhadsipä, ca'a yhajootma'adä; ca'a tii mnajtshäyowø'øy. ¹⁵ Wehndä Dios jaduhñ tøø miäna'añ coo jim̄ piäyø'ögät maa miičhän, coo yaa yhídät paquiä maačh høøčhän. Hix, tøø ja'a Diosmädia'agy yaa miäbøcy. Y coo jim̄ ñøcxtägåtsät maa miičhän, cab jaduhñ mänaa xpiuhwa'adsaañänä. ¹⁶ Moonsä miičh Onésimo hijty mwa'añ. Pero coo jim̄ ñøcxtägåtsät maa miičhän, jaduhñ miičh mjuø'øwa'añ neby hamdsoo huch neby hamdsoo puhya'aybän. Jaduhñ miičh mdsogaam̄bä nébiøch høøčh ndsoquiän. Maas hanaxiä miičh mdsoga'añ. Hix, maas hoy miičh mmädia'agy xquiudiunääñänä. Xímnäts mijts jaduhñ tu'ugymädia'agy mhidaañänä ja'a Jesucristocøxpä.

¹⁷ Tøyhajt højts nnijiootpáatäm. Tuñxä mayhajt jaduhñ. Tsøc Onésimo jaduhñ møødnijiootpáatäm neby højts nnijiootpáatäm. ¹⁸ Pø tøø miičh xñägädieeyø'øy hoy ñejpiä, pø xmiänuu'xyhajp miičh jaduhñ, høøčhä ngüeentä jaduhñ. ¹⁹ Høøčh nyajnähwa'adsaam̄by mäduhñtiä xmiänuu'xiä. Tøyhajt jaduhñ. Hamdsoo cø'øháamhøch hädaa nocy jaduhñ njaay; jaduhñ miičh tøyhajt mmøødhådät coočh nga'a høhñda'agy. Y jim̄ miičh cueentä mmøødäbä maa høøčhcøxpän. Hix, høøčh miičh jaduhñ tøø nyajmäbøcy ja'a Diosmädia'agy. ²⁰ Mägu'ughajpä, coo ja'a Onésimo jaduhñ mmøødnijiootpaaðød, jaduhñ

miičh myajcähxø'øga'añ coočh miičh tøyhajt xjiaančh tsocy. Tuñxä mayhajt jaduhñ. Hix, näguipxy højts ja'a Jesucristo jaduhñ nmøødhíjtäm tu'ugmädia'agy.

²¹ Hamdsoo cø'øháamhøch cham njaay. Nnajuøøbiøch jaduhñ coočh miičh ja'a nmädia'agy xquiudiunañä nébiøch cham tøø nnäma'ayän. Njaanä najuøøbiøch jaduhmbä coo miičh hojioot mjaančh tehm miøødhada'añ ja'a Onésimocøxpä. ²² Chámhøch mayhajt tu'ug nmäyujwa'anáangombä. Høøčh maadaact hahixøødiáacäc. Pa'ya'ax ja'a Dios hajxy coočh ween xyajpädsømy pujxtøgooty. Mäníthøch jim nnócxät maa mijtsän.

²³ Xyajpoo'xp mijts ja'a hermano Epafrashajpä. Yaačh jaduhñ xmiøødtsumyčhäna'ay ja'a Jesucristo miädia'agyquiøxpä. ²⁴ Xyhaagä nä'ä yajpoo'xp mijts ja'a hermano Mar-coshajxy, møødä hermano Aristarco, møødä hermano Demas, møødä hermano Lucas. Xyhaagä nä'ä møødtúumbøch hajxy yaa ja'a Diosmädia'agyquiøxpä.

²⁵ Weenä Jesucristo hoyhajt weenhajt hajxy xmio'oy coo jaaya'ay hajxy jaduhñ mmøødhity tu'ugjoot tu'ugjuøhñdy. Amén.

El Nuevo Testamento en mixe de Guichicovi New Testament in Mixe, Isthmus (MX:mir:Mixe, Isthmus)

copyright © 1988 Wycliffe Bible Translators, Inc.

Language: Mixe, Isthmus

Translation by: Wycliffe Bible Translators, Inc.

Mixe, Guichicovi [mir], Mexico

Copyright Information

© 1988, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixe, Isthmus

© 1988, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
4e564219-157f-5807-b810-47a15308b8b8